

中國地方志集成

省志輯·山東 ⑧

宣統山東通志(七)

鳳凰出版社●上海書店●巴蜀書社



宣統山東通志(七)



(清)

楊士驤
孫葆田
等纂修

目

録

第一册

康熙山東通志

第二册

宣統山東通志(一)

第三册

宣統山東通志(二)

第四册

宣統山東通志(三)

第五册

宣統山東通志(四)

第六册

宣統山東通志(五)

第七册

宣統山東通志(六)

第八册

宣統山東通志(七)

第九册

宣統山東通志(八)

先賢

古語云千年有聖是接迹而行也百里有賢是比肩而立也聖賢不易有有又不易同時同地也春秋時東魯有聖人西齊之攝蓋濟濟焉極其數則有三千身通六藝者且七十有二人魯為聖人之鄉齊亦近聖人之地故以二國之人為獨多歷代崇封載在祀典矣又有同時同地未親及門異時異地而為私淑者亦並俎豆千秋抑何盛與志山左人物首列先賢以史記家語為本而輔以他書擇其言尤雅者著於篇疑者闕焉吁洙泗之教澤方長海岱之靈秀猶昔後之覽者其嚮往又當何如也

孔氏孟皮字伯尼孔子庶兄詳家語有足疾子子蔑女妻南容

國朝咸豐六年配享崇聖祠稱先賢孔氏

顏氏無繇字路史記魯人少孔子六歲孔子始教兩里而受學焉語家

娶齊姜氏子子淵志唐開元二十七年從祀廟庭明嘉靖九年

改配啟聖祠稱先賢顏氏

顏子回字子淵史記少孔子三十九歲作三十一家語孔子曰自吾

得回也門人加親家語孔叢子亦見家貧樂道不仕詳莊孔子在陳

蔡之間絕糧顏回入見孔子曰回詩云匪兕匪虎率彼曠野吾道

非邪吾何為於此顏回曰夫子之道至大故天下莫能容雖然不

容何病不容然後見君子孔子欣然而笑曰有是哉使爾多財吾

為爾宰史記子世家孔子貢曰夫能夙興夜寐諷詩崇禮行不貳過稱言

不苟是顏回之行也孔子曰若逢有德之君世受顯命不失厥名

以御於天子則王者之相也家語亦見年三十二卒史記索隱聖

宋戴氏生子欲志唐贈兗公宋贈克國公元贈復聖公明改稱

復聖顏子

曾氏點字皙家語南武城人史記弟子列傳詳孔子始教於闕里而

受學少孔子六歲疾時禮教不行欲修之孔子善焉家語子與唐

開元二十七年從祀廟庭明嘉靖九年改配啟聖祠稱先賢曾氏

曾子參字子輿少孔子四十六歲史記家志存孝道語每讀喪禮

泣下霑襟子嘗曰往而不可還者親也至而不可加者年也子欲

養而親不待故椎牛而祭墓不如雞豚之速親存也外傳孔子以

為能通孝道故授之業作孝經史記魯人使往致邑焉曰請以此

修衣曾子不受反復往又不受使者曰先生非求於人人則獻之

奚為不受曾子曰臣聞之受人者畏人與人者驕人縱子有賜不

我驕也吾能勿畏乎終不受說喪妻不更娶漢書注引年七十三

卒年請子元申華唐贈成伯宋贈郟國公明改稱宗聖曾子

孔氏鯉字伯魚孔子之子母并官氏哀公嘗以幣召稱疾不行史記

年五十先孔子卒史記子子思宋咸淳三年從祀廟庭明嘉靖九

年改配啟聖祠稱先賢孔氏

子思子伋字子思孔子之孫受業於曾子嘗困於宋作中庸史記穆

公欲相子思子思不願去魯居衛謂衛君曰君之國事將日非矣

君曰何故對曰有由然焉君出言皆自以為是而卿大夫莫敢矯

其非卿大夫出言亦皆自以為是而士庶莫敢矯其非君臣既自

賢矣而羣下同聲贊之賢之則順而有福燭之則逆而有禍故使如此如此則善安從生詩曰具曰予聖誰知烏之離雄抑亦似衛之君臣乎子思遊齊自齊返衛子思衛君終不能用乃反魯年八十二卒史記作六十二子子上宋贈沂國公明改稱述聖子思子

閔子損字子騫史記魯人語家少孔子十五歲史記事後母以孝聞傳年二十父命從孔子學嘗問政於孔子孔子曰以德以法德法者御民之具猶馮之有銜勒也君者人也吏者轡也刑者策也夫人君之政執其轡策而已語家不仕大夫不食污君之祿史記唐贈費侯宋贈琅邪公又贈費公明改稱先賢閔子

冉子耕字伯牛魯人語家少孔子七歲孔子始教闕里同顏路之徒往受學焉危言正行而有惡疾白虎通孔子為魯司寇以伯牛為中都宰語家唐贈郕侯宋贈東平公改贈郕公明改稱先賢冉子

冉子名雍字仲弓史記魯人語家伯牛之族少孔子二十九歲史記嘗為魯季氏宰子在貧如客使其臣如借不還怒不深怨不錄舊非是冉雍之行也語家唐贈薛侯宋贈下邳公改稱公明改稱先賢冉子

宰子字子我史記魯人語家以言語著名語家子曰吾於子取其言之近類也近類則足以喻之子語家為齊臨淄大夫史記又嘗為孔子使楚卻昭王安車象飾之道語家唐贈齊侯宋贈臨淄公改齊公明改稱先賢宰子

冉子求字子有史記魯人語家仲弓之族少孔子二十歲史記有才藝為季氏宰進則理其官職退則受教聖師為

性多謙退語家孔子在衛冉有言於季孫請以重幣迎之季孫以告哀公公從之語家魯與齊清之戰冉有以武城人三百為己徒卒用矛於齊師故能入其軍語家唐贈徐侯宋贈彭城公改徐公明改稱先賢冉子

仲子由字子路下人史記少孔子九歲史記有勇力才藝為人果烈而剛直語家孔子曰自吾門得由惡言不入於耳史記見於孔子曰昔者由也事二親之時嘗食藜藿之食為親負米百里之外親沒之後南游於楚累茵而坐列鼎而食雖欲食藜藿為親負米不可復得也孔子曰由也事親可謂生事盡力死事盡思者也語家為季氏宰孔子為魯司寇使墮三都傳為蒲大夫孔子過之三稱其善語家後仕於衛為孔哩家臣死於蒯聩之難史記唐贈衛侯宋贈河內公改衛公明改稱先賢仲子

有子若字子有魯人語家少孔子十三歲史記為人強識好古道語家惡臥而碎掌子荀孔子沒弟子思慕有若狀似孔子弟子相與共立為師師之如孔子時史記唐贈下伯宋贈平陰侯明改稱先賢

國朝乾隆三年升配大成殿為十二哲稱先賢有子澆臺滅明字子羽武城人史記少孔子三十九歲史記為人公正無私仕魯為大夫語家南游至江從弟子三百人設取與去就名施乎諸侯孔子問之曰吾以貌取人失之子羽史記唐贈江伯宋贈金鄉侯明改稱先賢

林放字子邱史記魯人語家唐贈清河伯宋贈長山侯明嘉靖九

年罷祀祀於其鄉

國朝雍正二年復祀稱先賢

原憲字子思史記家語注引鄭康成魯人說家語作宋人少孔子三十六歲語家

原憲居魯子貢往見之原憲楮冠藜杖而應門子貢曰嘻先生何病也原憲仰而應之曰憲聞之無財之謂貧學而不能行之謂病

憲貧也非病也外傳持居於衛語家唐贈原伯宋贈任城侯明改稱先賢

宓不齊字子賤魯人語家少孔子四十九歲史記為單父宰辭於夫子

夫子曰毋迎而距也毋望而許也許之則失守距之則閉塞子賤至單父請其耆老尊賢而與之共治所父事者三人兄事者五人友事者十一人語家彈琴而身不下堂而單父治說唐唐贈單伯宋贈單父侯明改稱先賢

南宮适史記家語注引鄭康成字子容一名韜語家又或作綽語家一云孟倍子之子仲孫閱又稱南宮閱又稱南宮敬叔禮記蓋一人而有五名魯人史記注引孟倍子之將死也召其大夫曰禮人之幹也無禮無以立吾聞將有違者曰孔某聖人之後也臧孫紇有言曰聖人有明德者若不當世其後必有達人今其將在孔某乎我若獲沒必屬說與何忌於夫子使事之而學禮以定其位故孟懿子與南宮敬叔師事孔子傳左以智自將世清不廢世濁不汚孔子以兄子妻之語家南宮敬叔言魯君曰請與孔子適周魯君與之乘車兩馬史記孔子曰自南宮敬叔之乘我車也而道加行語家唐贈邾伯宋贈邾邱侯改汝陽侯明改稱先賢

公冶長字子長史記家語注引鄭康成魯人作齊人為人能忍恥孔子以女妻之語家唐贈莒伯宋贈高密侯明改稱先賢

商瞿字子木魯人史記家語注引鄭康成少孔子二十九歲史記家語注引鄭康成特好易孔子傳之志焉語家唐贈蒙伯宋贈須昌侯明改稱先賢

公皙哀字季次史記今本家語注引鄭康成齊人語家孔子曰天下無行多為家臣仕於都惟季次未嘗仕史記唐贈邾伯宋贈北海侯明改稱先賢

漆雕開字子開史記家語注引鄭康成魯人鄭康成說引一作蔡人字子若少孔子十一歲習尚書不樂仕語家唐贈滕伯宋贈平輿侯明改稱先賢

高柴字子羔史記一作季高語家又作子皋禮記齊人高氏之別族史記名於孔子之門語家子貢曰自見孔子出入於戶未嘗越禮往來過之足不履影啟塾不殺方長不折執親之喪未嘗見齒是高柴之行也禮記唐贈共伯宋贈共城侯明改稱先賢

樊須字子遲史記家語注引鄭康成魯人禮記說作齊人少孔子三十六歲史記仕於季氏語家清之役冉求率左師須為之御師不踰溝須曰非不能也不信子也請三刻而踰之遂敗齊師傳左唐贈樊伯宋贈益都侯明改稱先賢

梁鯨字叔魚史記家語注引鄭康成齊人語家少孔子二十九歲史記年三十未有子欲出其妻商瞿謂日子未也昔吾年三十八無子吾母為吾更取室夫子曰瞿過四十富有五丈夫子今果然吾恐子自晚生耳未必妻之過從之二年而有子語家唐贈梁伯宋贈千乘侯明改稱先賢

商澤字子季史記集解一作子秀家語魯人志唐贈睢陽伯宋贈鄒平侯明改稱先賢

冉孺字子魯史記一作儒字子魚家語或作曾史記魯人家語少孔子五十歲史記唐贈紀伯宋贈臨沂侯明改稱先賢

伯虔字子析史記一作伯處家語又作伯虔字措家語魯人志少孔子五十歲史記唐贈鄒伯宋贈泲陽侯明改稱先賢

顏幸字子柳史記一曰名辛家語一曰字柳家語一曰顏柳家語冉季字產史記魯人家語唐贈東平伯宋贈都城侯明改稱先賢

漆雕徒父字固史記或云名從字子文家語又曰字子期家語一曰字子有家語或曰字子友家語魯人家語唐贈須句伯宋贈高苑侯明改稱先賢

漆雕哆字子斂史記魯人家語唐贈武城伯宋贈漢陽侯明改稱先賢

秦商字不茲史記一云字子丕史記又云不慈魯人家語其父革父與孔子父俱以力聞少孔子四歲家語唐贈上洛伯宋贈馮翊侯明改稱先賢

公西赤字子華史記魯人家語少孔子四十二歲史記束帶立於朝

閑賓主之禮家語孔子謂門人曰二三子欲學賓客之禮者其於赤也家語唐贈鄒伯宋贈鉅野侯明改稱先賢

顏高字子驥史記一云名產家語又曰名刻家語或曰名亥家語又

曰名刻家語魯人少孔子五十歲家語孔子去衛歸適陳過匡顏刻為僕家語唐贈鄒伯宋贈雷澤侯明改稱先賢

公肩家語定字子中家語魯人家語唐贈新田伯宋贈梁父侯明改稱先賢

公夏首字子乘史記魯人唐贈亢父伯宋贈鉅平侯明改稱先賢

鄒單字子家史記一作鄒單魯人家語唐贈銅鞮伯宋贈聊城侯明改稱先賢

后處字子里史記一云字理之家語齊人家語唐贈營邱伯宋贈膠東侯明改稱先賢

罕父黑字子索史記魯人家語唐贈乘邱伯宋贈祁鄉侯明改稱先賢

奚容家語麟字子皙史記魯人家語唐贈下邳伯宋贈濟陽侯明改稱先賢

榮旂字子祺史記一作榮祈字子顏家語一作榮祁字子祺家語一作期家語魯人家語唐贈雩婁伯宋贈厭次侯明改稱先賢

顏祖家語相字子襄史記魯人家語唐贈臨沂伯宋贈富陽侯明改稱先賢

左人子郢字子行家語一作左郢字子行家語魯人家語唐贈臨淄伯宋贈南華侯明改稱先賢

鄭國字子徒史記魯人家語唐贈祭陽伯宋贈胸山侯明改稱先賢

原亢家語字子籍家語又曰名亢家語魯人家語唐贈萊

燕伯未贈樂平侯明改稱先賢

縣成字子祺史記引家語作子祺魯人鄭康成說唐贈鉅野伯未贈

武城侯明改稱先賢

廉潔字子庸史記一作絮一云字子曹今本齊人唐贈期思伯未贈

唐贈莒父伯未贈胙成侯明改稱先賢

公祖句茲字子之史記一作公祖茲魯人唐贈期思伯未贈

卽墨侯明改稱先賢

叔仲會字子期史記家魯人康成說少孔子五十歲家語

與孔璇年相比每孺子之執筆記事於夫子二人迭侍左右孟武

伯見孔子而問曰此二孺子之幼也於學豈能識於壯哉孔子曰

少成若性也習慣若自然也家語唐贈瑕邱伯未贈博平侯明改稱

先賢

燕伋字子思家語魯人家語唐贈漁陽伯未贈汗源侯明改

稱先賢

公西輿如家語字子上史記魯人朱氏唐贈重邱伯未贈臨

陶侯明改稱先賢

樂歎字子聲史記魯人正義唐贈昌平伯未贈建成侯明改稱

先賢

邾莒字子斂史記一云名選史記魯人鄭康成說唐贈平陸伯未

贈高堂侯明改稱先賢

孔忠字子茂家語孔子兄孟皮之子家語與宓子賤皆仕說問孔

子行己之道孔子曰知而弗為莫若勿知親而弗信莫若勿親樂

之方至樂而勿驕患之將至思而勿憂子茂曰行己乎子曰攻其

所不能補其所不備毋以其所不能疑人毋以其所能驕人終日

言勿遺己之憂終身行不遺己之患惟智者有之家語唐贈汝陽伯

宋贈鄆城侯明改稱先賢

公西蒧字子上史記魯人鄭康成說唐贈祝阿伯未贈徐城侯明改

稱先賢

步叔乘字子車史記一作步叔齊人唐贈涪于伯

宋贈博昌侯明改稱先賢

顏之僕字子叔家語魯人鄭康成說唐贈東武伯未贈宛句

侯明改稱先賢

秦非字子之史記魯人鄭康成說唐贈汗陽伯未贈華亭侯明

改稱先賢

施之常字子恒史記魯人鄭康成說唐贈乘氏伯未贈臨侯明改稱先

賢

顏哈字子聲史記魯人鄭康成說唐贈朱虛伯未贈濟陰侯明

改稱先賢

申根字子周一作申黨字周史記一作申棠史記一作申續字子

周家語或作申續孔或作儻禮記又或作字子續家語魯人唐

贈魯伯未贈文登侯明改稱先賢

顏何字子冉史記魯人鄭康成說唐贈開陽伯未

贈堂邑侯明改稱先賢

左邱明史記一曰左氏名邱明魯人鄭康成說為魯太史漢書孔子

西觀周室論史記舊聞興於魯而次春秋左邱明懼弟子人人異端各安其意失其真其論其語成左氏春秋史記又著國語二十一篇漢書藝文志為春秋外傳唐貞觀二十一年配享孔子永徽中降從祀末贈瑕邱伯改中都伯明改稱先儒崇禎十五年改稱先賢位在七十子之下

公羊高齊人子夏弟子受經於子夏經義唐貞觀二十一年配享

孔子廟永徽中降從祀宋大中祥符二年贈臨淄伯明嘉靖九年改稱先儒

穀梁赤魯人釋文與秦孝公同時唐貞觀二十一年配享

子夏為經作傳說列傳唐貞觀二十一年從祀廟庭宋祥符二年贈

號邱伯明嘉靖九年改稱先儒

縣賈字子象魯人家國朝雍正二年增祀稱先賢

公明侯魯南武城人山學於孔子而識股禮禮記子張弟子又

為曾子弟子禮記國朝咸豐三年從祀孔廟位列先賢縣賈之次

孟孫氏激字公宜魯孟孫之後通志鄒人史記娶仇氏孟孫之父宋

元祐中追贈邾國公明嘉靖九年配享啟聖祠

孟子何字未聞通志或云字子與一云字子車三歲喪父稍長受

業子思之門人道既通游事齊宣王不能用適梁惠王不果所

言當是之時天下方務合縱連衡以攻伐為賢而孟子乃述唐虞

三代之德是以所如不合退而與萬章之徒序詩書述仲尼之意

作孟子七篇史年八十四卒宋元豐六年追封邾國公詔立孟

子廟元祐三年以孟子配享孔廟元改亞聖公明稱亞聖孟子

樂正克齊人孟子弟子為魯臣通志魯平公與齊宣王會於冕釋

山下樂克備道孟子於平公曰孟子私淑孔子其德輔世長民其

道發政施仁君何為不見乎史引孟母之喪樂正克治饌

宋政和五年贈利國侯配享鄒縣孟子廟

國朝雍正二年從祀孔子廟稱先賢

公都子齊人孟子弟子通志孟母之喪公都政治饌宋政和五

年贈平陽伯從祀鄒縣孟子廟

國朝雍正二年從祀孔子廟稱先賢

公孫丑齊人孟子弟子通志孟子三見齊宣王而不言事丑曰夫

子何以三見齊王而不言事孟子曰我先攻邪心邪心去則無不

正矣書曰格其非心孟母之喪公孫丑治賓客宋政和五年贈

壽光伯從祀孟子廟

國朝雍正二年從祀孔子廟稱先賢

萬章孟子弟子通志孟母之喪萬章治饌宋

政和五年贈博興伯從祀孟子廟

國朝雍正二年從祀孔子廟稱先賢

右七十三人皆誼關桑梓又嘗受歷代褒崇自大成殿配享大

賢外公毅則名冠先儒餘均稱先賢某子海岱人文畧萃於斯

矣今修列傳以鄒繼魯但依時代為序無分位次高下鄉黨之

義宜然也如孔璇一人事雖明見家語曾元曾申名亦並著禮

弓然春秋享祀未及堂廡諸賢難並古籍昭垂人自景仰例在
則然非有遺漏世之君子可以覽焉

兩漢經師

六經自孔子刪定所以垂教萬世者至矣不幸而阨於秦火區區
抱殘守缺則漢儒之功偉焉漢初經師易則田何書則伏生詩則
申培轅固禮則高堂生徐生春秋則胡毋生江公史謂戰國紛爭
儒術既黜齊魯之間學者猶弗廢故流傳易要亦其天性然也
迄今讀漢書儒林傳所書經師授受詳矣泊乎東京十四博士既
立而異書亦並收錄通經名家雖亦有人而紛紜錯雜師承幾至
中絕賴高密大儒鄭司農出刪裁繁蕪齊魯宗之益知所歸本傳
論以為仲尼之門不能過豈益美哉今志山東人物先賢後繼以
兩漢經師尤以鄭氏為歸聖作賢述不可誣也至敘述諸儒名有
復出家法授受源流之例宜然覽者詳焉

田何字子裝

前漢儒林傳 齊人 以齊田徒杜陵號杜田

生自商瞿子木受易孔子以授魯橋庇子庸子庸授江東馯臂子

弓子弓授燕周醜子家子家授東武孫虞子乘子乘授齊田何秦

禁學易為卜筮之書獨不禁故傳授者不絕何授王同雒陽周王

孫梁丁寬服生皆著易傳數篇

王同字子中東武人有易傳二篇 授楊何即墨成廣川孟但

周霸衡胡主父假

案凡言著易傳二篇即易之上下經無十翼繫辭二篇之册

服光齊人有易傳二篇

案服光一作服先即服生生與先古通稱藝文志注師古引劉
向別錄云服氏齊人號服光以光為號

夫

傳 楊何字叔元淄川人有易傳二篇 武帝元光中徵為大中大

周霸

傳 魯人膠西內史

衡胡

傳 莒人以易至大官

主父假

傳 臨淄人

案右五人皆王同弟子

要言易者本之田何

孟喜

字長卿東海蘭陵人父號孟卿善為禮春秋以禮經多春秋

煩雜使喜從田王孫受易王孫瑀人同郡丁寬弟子授沛人施讎

孟喜梁邱賀繇是易有施孟梁邱之學喜授同郡白光沛翟牧皆

為博士繇是易有覆白之學

案本傳孟氏說易以氣而後以人事明之莊子曰易以道陰陽

氣者陰陽也苟遺人事而但講陰陽必流於穿鑿而不經黜陰

陽而專譚人事必至於浮游而寡據後世說易諸家之失不出

此兩端蘭陵大師真是度越千古

白光字少子蘭陵人為博士

梁邱賀字長翁琅邪諸人從大中大大夫京房

易房者淄川楊何弟子也房出為齊郡太守賀更事田王孫宣帝

聞京房為易明求其門人得賀召入說善之以賀為郎會八月飲

附以箴有應繇是為大中大大夫給事中至少府年老終官傳子臨

傳林

梁邱臨少傳父業為學精純專行京房法亦入說為黃門郎琅邪王吉聞臨說善之使其子駿從臨受易臨授代五鹿充宗充宗授平陵士孫張沛鄧彭祖衡咸絳是梁邱有士孫鄧衡之學傳林王駿字子政御史大夫傳林

朱雲字游魯人徙平陵從博士白子友受易少府五鹿充宗為梁邱易元帝好之欲考其異同令充宗與諸易家論充宗乘貴辯口諸儒莫能與抗雲攝齋登堂抗首而請音動左右諸儒為之語曰五鹿嶽嶽朱雲折其角前書本傳

案雲所從學白子友與儒林傳白少子皆為博士畢氏傳經表未詳所出同時同官未知即一人否

衡咸字長貧齊人王莽講學大夫傳林

魯伯琅邪人會稽太守與河內張禹受易於施警授毛莫如邠丹傳林

毛莫如字少路太山人常山太守傳林

邠丹字曼容琅邪人著清名傳林

殷嘉東海今都人京房字君明弟子房受易於梁人焦延壽名延壽

壽云嘗從孟喜問易房以為延壽易即孟氏學翟牧白生不肯皆

曰非也成帝時劉向校書考易說以為諸易家皆祖田何楊叔丁

將軍名大誼畧同唯京氏為異焦延壽獨得隱士之說託之孟

氏不相與同嘉與河東姚平河南桑宏同由房授皆為郎博士絳

是易有京氏之學傳林

按殷嘉藝文志作段嘉注云蘇氏曰東海人為博士晉灼曰儒林不見師古曰蘇說是也嘉即京房所從受易者也見儒林傳及劉向別錄又藝文志曰漢興田何傳易訖於宣帝有施孟梁邱京氏列於學官而民間有費高二家之說又案京房易傳分八卦為八宮以爻遞變終於游魂歸魂載唐李鼎祚易集解中此即所謂焦延壽獨得隱士之說託之孟氏者也

郎宗字仲綬安邱人學京房易善風角星算六日七分望氣占候吉凶安帝以博士徵恥以占驗見知懸印綬遁去終身不仕傳子顯

郎顯字雅光傳父業順帝陽嘉二年徵拜郎中不就後書本傳

案六日七分卦氣也章懷本傳注引稽覽圖云甲子卦氣起中孚六日八十分日之七與今本稽覽圖小異要其為法最古周

秦諸子之所傳故鄭氏為之注術數之學雖不可以說經猶必用以占事故孟與京並傳之

孫期字仲或濟陰成武人少為諸生習京氏易舉方正司徒黃琬特辟不行終於家後書傳

費直字長翁東萊人治易為郎至單父令長於卦箴亡章句徒以象象繫辭文言解說上下經王瑛能傳之傳林劉向以中古文古中

古文府所藏古文書也校施孟梁邱經或脫去无咎悔亡唯費氏經與古文古中

案費氏有易象分野圖為鄭氏說易用爻辰之所本此與孟氏卦氣皆易外之別傳也又案杜元凱春秋集解後序言汲冢書

有周易上下篇與今正同別有陰陽說而無象象文言繫辭疑於時仲尼造之於魯尚未播之於遠國也

王瑛作瑛字平仲琅琊人傳

母將永園陵人沛人高相弟子相治易與費氏同時其學亦亡章句專說陰陽災異自言出於丁將軍傳至相相授子康及永永至豫章都尉繇是易有高氏之學高費皆未嘗立於學官傳

案劉子駿六藝畧周易中有雜災異三十五篇相之學其果出於寬不可知要之易為卜筮之書一切古法漢經師未嘗不用之而以術數為嫌也

鄭元字康成北海高密人傳費氏易後書本傳

案孫期傳云建武中范升傳孟氏易以授楊政而陳元鄭眾皆傳費氏易其後馬融亦為其傳融授鄭元元作易注荀爽又作易傳自是費氏興而京氏遂廢今所傳者費氏本也

右易家

伏生名勝字子賤後書伏生傳濟南人故為秦博士秦時禁書伏生壁藏之漢定伏生求其書亡數十篇獨得二十九篇即以教於齊魯

之間文帝詔太常使掌故詔錯往受之齊學者由此頗能言尚書伏生教張生及歐陽生而伏生孫亦以治尚書數是後周霸雒陽買嘉買嘉頗能言尚書云傳

案郭子橫洞冥記李克馮胡人自言三百歲少而好學為秦博士門徒萬人伏生十歲就克受尚書乃以口授伏生四代之事略無遺脫據此可得伏生師承所自然稗官雜錄恐未足信

張生濟南人為博士授夏侯都尉傳

夏侯都尉魯人傳族子始昌傳

夏侯始昌以尚書授族子勝傳

夏侯勝字長公都尉之後始昌傳勝勝又事同郡南鄉傳從兄子建與周堪孔霸傳

夏侯建字長卿師事勝又事歐陽高官至太子太傅繇是尚書有大小夏侯之學傳

案建又從五經諸儒問與尚書相出入者牽引以次章句號為小夏侯氏又案畢氏傳經表今文尚書自伏生三傳伏氏家學

夏侯都尉四傳夏侯始昌五傳夏侯勝六傳歐陽家學夏侯建

周堪字少卿齊人事大夏侯勝為諱官令論於石渠經為最高後為太子太傅光祿大夫授牟卿孔霸及長安許商繇是大夏侯有孔許之學傳

牟卿魯人為博士傳

孔霸字次儒魯人孔子十三世孫事大夏侯勝以選授太子經元帝即位賜號褒成君傳少子光傳

孔光字子夏經學修明亦事牟卿至丞相傳

缺欽字幼卿齊人事許商為博士徒衆尤盛傳

張無故字子儒山陽人從平陵張山拊受小夏侯說善修章句為廣陵太傅授沛唐尊傳

馮賓魯人為博士從信都秦恭受小夏侯尚書傳

王良字仲子東海蘭陵人少好學習夏侯尚書傳

牟融字子優北海安邱人博學以大夏侯書教授門徒數百人

張馴字子惲濟陰定陶人少遊太學以大夏侯書教授與蔡邕

共定六經文字

案蔡邕治尚書今文其校定石經依此傳當保用大夏侯本也

吳良字大儀臨淄人習大夏侯書

歐陽生字和伯千乘人從伏生受尚書授兒寬寬授歐陽生子世

世相傳至曾孫高孫地餘孫是尚書世有歐陽氏學

兒寬千乘人治尚書事歐陽生又受業孔安國初見武帝語經學

上曰吾始以尚書為樸學弗好聞寬說可觀乃從寬問一篇歐陽

大小夏侯學皆出於寬

簡卿魯人寬門人

歐陽高字子陽生曾孫為博士

歐陽地餘字長賓高孫以太子中庶子授太子後為博士論石渠

元帝即位侍中貴幸至少府

林尊字長賓濟南人學歐陽高為博士論石渠後至少府太子傳

授平陵平當梁陳翁生孫是歐陽有平陳之學

殷崇琅邪人學陳翁生為博士

歐陽歆字正思自歐陽生傳伏生尚書至歆八世皆為博士

案畢氏傳經表今文尚書一傳伏氏家學歐陽生三傳歐陽世

六傳歐陽高八傳歐陽氏家學歐陽地餘九傳歐陽政十傳歐

陽歆自生至歆祇六世二世佚

禮震字仲威平原人受業歐陽歆歆下獄當死震自繫上書求代

光武嘉其行義拜郎中

曹曾字伯山濟陰人從歐陽歆受尚書門徒三千人

牟長字君高樂安臨濟人少習歐陽尚書建武中官至河內太守

著尚書章句皆本之歐陽氏俗號牟氏章句

寒朗字伯奇魯國薛人好經學博通書傳以尚書教授

巴茂北海人與彭城劉愷同事潁川丁鴻受歐陽尚書皆官至公

卿

周竒

孔安國字子國魯人孔子十一世孫官至諫議大夫臨淮太守

立於學官安國授都尉兒寬河內司馬遷

案家語後序安國亦受伏生尚書又案司馬遷講肆齊魯之間

從孔安國問故其書多安國說自孔子至史遷時尚未三百年

故老流傳之言必有口授

庸譚膠東人孔安國以古文尚書授都尉朝授譚譚授清河胡

常常授魏徐放教授王璜平陵塗惲惲授河南桑欽王莽時請學

皆立璜等皆貴顯

王璜

孔昱字元世魯人七世祖霸至昱爵位相係昱少習家學

大將軍梁冀辟不應

孔倍字仲和魯人自安國以下世傳古文尙書林傳

案畢氏傳經表古文尙書自孔安國以下一傳孔延年二傳孔

霸三傳孔福孔光四傳孔房五傳孔均六傳孔志七傳孔損八

傳孔曜九傳孔完孔昱孔子建孔倍孔長彥孔季彥凡十六人

孫期治古文尙書林傳

衛宏字敬仲東海人從扶風杜林受古文尙書林傳

徐巡濟南人師事衛宏後從杜林受學以儒顯由是古學大興傳宏

案後漢書杜林傳林前於西京得漆書古文尙書一卷以授東

海衛子濟南徐生於是古文遂行凡寫上素謂之卷非壁中殺

青原簡也蓋藏在秘府經散佚而出者林偶得之而其書自摹

蝌蚪本體故言漆書古文然其所傳於衛徐者不備此一卷矣

故曰古文遂行

鄭康成從東郡張恭祖受古文尙書傳本

案儒林傳有百兩篇者張竊作當時亦有所傳成帝亦以見徵

既以中書校之非是則其書為偽無疑竊雖東萊人不以列入

右書家

申公名培魯人少與楚元王交傳林魯穆生白生俱受詩於浮邱

伯傳人浮邱伯荀卿門人也高后時浮邱伯在長安元王遣子郵客

與申公俱卒業傳元王申公歸魯居家教授受業者千餘人申公獨

以詩經為訓故以教亡傳疑者則闕弗傳號魯詩武帝即位迎申

公以為大中大夫病免歸弟子為博士者十餘人王臧代趙綰孔

安國周勃夏寬賜魯賜繆生徐偃闕門慶忌皆稱其官弟子至大

夫郎掌故以百數申公卒以詩春秋授而江公盡能傳之及許生

免中徐公皆守學教授傳林

王臧闕陵人事景帝為太子少傅武帝時遷郎中令

孔安國前見

案司馬遷作史記用魯詩說當亦受之安國者

周勃前見

夏寬魯人城陽內史

繆生闕陵人長沙內史

徐偃闕陵人膠西中尉

闕門慶忌鄒人膠東內史

江公瑕邱人博士

許生魯人

章賢字長孺魯國鄒人治詩事江公及許生兼通禮尙書徵為博

士給事中授昭帝詩宣帝立以先帝師甚見尊重位至丞相封侯

章元成字少翁賢少子少好學修父業以明經擢諫大夫元帝時

亦為丞相封侯傳本

章賞元成兄子以詩授哀帝至大司馬車騎將軍賜爵關內侯元帝

王氏字翁思東平新桃人事免中傳成徐公及許生式為昌邑王師

昌邑王廢歸家不教授後以諸生共薦詔除為博士謝病免歸授

張長安唐長寶沛緒少保皆為博士錄是魯詩有張唐緒氏之學

傳 儒林

張長安字幼君山陽人先事式後事唐長寶論石渠至淮陽中尉

傳 儒林

唐長寶東平人楚太傅

傳 儒林

張游卿長安兄子為諫議大夫以詩授元帝

傳 儒林

王扶琅邪人游卿門人為泗水中尉游卿又授陳留許晏錄是魯

詩有許氏學

傳 儒林

魏應字君伯任城人建武初詣博士受業習魯詩官至騎都尉弟

子自遠方至著錄數千人

傳 儒林

高詡字季回般人祖父嘉

與張游卿同 時未詳所授

學以清標知名不仕王莽光武時位至大司農

傳 儒林

魯峻字仲嚴昌邑人治魯詩

傳 儒林

武榮字舍和任城人治魯詩章氏章句

漢執金吾 丞武榮碑

案武氏在漢為任城巨族觀武梁碑後云孝子孝孫躬修子道

竭家所有選擇名石南山之陽則聚族於此可知故定為任城

人章氏有章句不見藝文志賴此碑以傳

轅固齊人以治詩孝景時為博士武帝即位以賢良徵能歸諸齊

以詩顯貴皆固之弟子也夏侯始昌最明

傳 儒林

案陸元恪詩草木疏云公孫宏亦事固是宏亦習齊詩者茲因

宏背師傳故不列入又案轅固傳齊詩畢氏傳經表以為未詳

所受竊謂浮邱伯本齊人既傳申公固亦必為所授也

夏侯始昌以齊詩教授

傳 儒林

后倉一作蒼字近君東海郟人夏侯始昌始昌通五經倉亦通

詩禮為博士至少府授下邳翼奉蕭望之匡衡

傳 儒林

蕭望之字長倩東海蘭陵人治齊詩事同郡后倉且十年官御史

大夫前將軍

傳 儒林

匡衡字稚圭東海承人家貧好學精力過人諸儒為之語曰無說

詩匡鼎來匡說詩解人願官至丞相封侯授師丹伏理潁川滿昌

傳 儒林

皮容琅邪人從滿昌受詩與九江張邯皆至大官徒眾尤盛

師丹字公仲琅邪東武人治詩事匡衡舉孝廉為郎官至大司空

封侯

傳 儒林

伏理字游君東武人以詩授成帝為高密太傅家世傳業

傳 儒林

錄是齊詩有翼匡師伏之學

傳 儒林

伏湛字惠公理子少傳父業成帝時以父任為博士弟子建武初

為大司徒封侯

傳 儒林

伏黯字稚文湛弟明齊詩改定章句作解說九篇位至光祿勳

傳 儒林

伏恭字叔齊黯嗣子少傳黯學以父章句繁多乃減定為二十萬

言永平中拜司空

傳 儒林

伏無忌湛四世孫亦傳家學順帝時為侍中屯騎校尉與議郎黃

景校定中書五經百家藝術桓帝時又與景共撰漢紀

傳 儒林

案伏氏本濟南伏生後傳今文尙書至伏播武帝時客授東武

所授東武

始遷其家伏理受詩匡衡始廣其學無忌孫完女為孝獻皇后
曹操弒后誅伏氏國始除蓋世傳家學與漢終始者也

王吉字子陽琅邪阜成人從河內蔡誼受韓詩初燕人韓嬰推詩
人之意作內外傳數萬言其語頗與齊魯間殊然歸一也河內趙

子事燕韓生授同郡蔡誼誼授同郡食子公與王吉吉為昌邑王
中尉食生授栗豐吉授長孫順繇是韓詩有王食長孫之學

長孫順淄川人為博士授髮福
栗豐泰山人為部刺史授張就

張就山陽人
髮福東海人與張就皆至大官徒衆尤盛

案經典叙錄髮一本作段
公沙穆字文义北海膠東人習韓詩隱居東萊學者自遠而至

案謝承後漢書穆子字允慈亦為善士官上谷太守本傳亦
言六子皆知名是當時公沙氏家學甚盛

鄭康成從張恭祖受韓詩
武梁子綏宗任城人治韓詩

毛公
為詩故訓傳於家以授趙人小毛公

案孔穎達詩疏卷首引禮云魯人大毛公為故訓傳於家河間
獻王得而獻之以小毛公為博士陸元恪詩草木疏末篇孔子

刪詩以授下商商為之序以授魯人曾申申授衛人李克克授

魯人孟仲子仲子授根牟子根牟子授趙人荀卿卿授魯國毛

以亨為大毛公蓋為小毛公以其所傳故名之曰毛詩古之經

無疑經典敘錄引徐整說謂河間人整字文操豫章人仕吳為

說故不必辨又案毛詩周頌傳引孟仲子說陸疏所述傳授源

流最詳蓋必別有所據也
解延年齊人為阿武令授號徐敖

衛宏字敬仲東海人少與河南鄭興俱好古學九江謝曼卿善詩
宏從曼卿受學因作毛詩序善得風雅之旨傳於世

案太平廣記卷二百十五引鄭康成列傳曰康成生於永建二
年七月戊寅日後書康成傳卒於建安五年年七十四康成去

宏生時不遠而里居又甚近詩序果出自宏豈容不知而箋中
所引皆稱為毛詩序或但言有毛公續語未言衛宏作序亦未

言有宏潤色則序之果為子夏固未敢定要其流傳最古抑或
出於古太史也

鄭康成從扶風馬融學融作毛詩傳康成作箋
右詩家

高堂生魯人漢興傳士禮十七篇
案高堂生前書不注其名後書注名隆恐誤高堂隆乃二國時